



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 32 (12.343)

Баҳоси эркин нарҳда

ПОЙТАХТНИНГ БИР КУНИ



Фармон ва ижро

ҚУРИЛИШ САНОАТИ РИВОЖИ — ОБОД ТУРМУШ ИФОДАСИ

Ўзбекистонда уй-жой, ижтимоий ва инфратузилмавий қурилишнинг жадал ривожланётгани қурилиш материаллари ишлаб чиқариш суръатларининг ўсишида яққол намоён бўлаётди. Бунда Президентимиз Ислам Каримовнинг 2005 йил 24 мартда қабул қилинган «Қурилиш материаллари саноатида иқтисодий ислохотларни чуқурлаштириш ва тармоқни жадал ривожлантириш тўғрисида»ги Фармони муҳим омил бўлмоқда.

Бугунги кунда қурилиш материаллари бозори энг мураккаб вазифаларни ҳал этиш имконига эга. Чунки мамлакатимиз ишлаб чиқарувчилари томонидан асосан маҳаллий хомашёдан, халқаро андозаларга мос сифатли қурилиш материаллари ишлаб чиқарилмоқда. Бу маҳсулотлар нисбатан арзон, экологик хавфсиз ҳамда иссиқлик ва товуш изоляцияси кўрсаткичлари юқори бўлганлиги сабабли хориж маҳсулотлари билан муносиб рақобатлашмоқда.

РИВОЖЛАНИШ УЧУН МУҲИМ ОМИЛ

1997 йилда «Ўзқурилишматериаллари» акциядорлик компаниясининг ташкил этилиши қурилиш материаллари тармоғини жадал ривожлантириш имконини кенгайтди. Диверсификация даражасини юксалтириш, қурилиш ашёлари турларини кенгайтириш, юқори сифат ва инновацион хусусиятларга эга қурилиш материаллари экспортини таъминлаш ва ички бозорни улар билан тўлдириш бугунги кунда компаниянинг муҳим вазифалари ҳисобланади.

Пойтахтимиздаги Миллий матбуот марказида ташкил этилган семинар ана шу мавзуга бағишланди.

Қарор ва ижро

СОЛИҚ СОҲАСИДАГИ ЎЗГАРИШЛАР

Ўзбекистон Республикаси Давлат солиқ қўмитаси ҳамда «Солиқ инфо» газетаси таҳририяти ҳамкорлигида ташкил этилган тадбирда мамлакатимиздаги корхоналар раҳбарлари, кичик бизнес ва хусусий тадбиркорлик соҳасида фаолият юритадиган бухгалтерлар иштирок этди.

Мамлакатимизда юритилаётган солиқ ва бюджет сиёсати хўжалик субъектлари ҳамда аҳолига нисбатан солиқ юқини изчил қамайтириб бориш, кичик бизнес ва хусусий тадбиркорликни қўллаб-қувватлаш, инвестиция ва ишбилармонлик муҳитини яхшилашга йўналтирилган. Жорий йилда бу йўналишдаги ислохотларни амалга оширишда Президентимиз Ислам Каримовнинг 2012 йил 25 декабрда қабул қилинган «Ўзбекистон Республикасининг 2013 йилги асосий макроектисодий кўрсаткичлари прогнози ва Давлат бюджети параметрлари тўғрисида»ги Қарори муҳим дастуруламал бўлиб хизмат қилади. (Давоми 2-бетда)

Жорий йилнинг 13 февраль куни Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Қонунчилик палатасининг Кенгаши томонидан таклиф этилган кун тартиби тасдиқланганидан кейин Ўзбекистон Республикасининг Конституциясида парламентга берилган ваколатларга мувофиқ депутатлар Ўзбекистон Республикаси Олий Мажлиси Инсон ҳуқуқлари бўйича вакилининг 2012 йилдаги фаолияти тўғрисидаги ҳисоботни эшитдилар.

ЎЗБЕКИСТОН РЕСПУБЛИКАСИ ОЛИЙ МАЖЛИСИНING ҚОНУНЧИЛИК ПАЛАТАСИДА

Инсон ҳуқуқлари ва эркинликларига риоя этилиши соҳасидаги парламент назорати Қонунчилик палатаси депутатлари фаолиятидаги энг муҳим вазифалардан биридир. Олий Мажлисининг Инсон ҳуқуқлари бўйича вакили С.Рашидованинг маърузасида Омбудсман инсон ҳуқуқлари ва эркинликларини ҳимоя қилиш соҳасидаги давлат сиёсатини рўйбга чиқариш борасида тегишли ишларни амалга оширганлиги таъкидланди.

Шу тўғрисида ҳам Омбудсман фаолиятида ҳисобот даврида давлат органлари, корхоналар, муассасалар, ташкилотлар ва мансабдор шахсларнинг инсон ҳуқуқлари ва эркинликларига доир қонун ҳужжатларининг риоя этилиши устидан парламент назоратини таъминлаш, Ўзбекистон Республикасининг инсон ҳуқуқларига оид қонун ҳужжатларини такомиллаштиришга қўмаклашиш, халқаро ҳамкорликни ривожлантириш, шунингдек, фуқароларнинг инсон ҳуқуқлари соҳасидаги ижтимоий оғини ошириш масалаларига катта аҳамият берилди.

Савол-жавоблардан сўнг Олий Мажлис Инсон ҳуқуқлари бўйича вакилининг маърузаси атрофида муҳокама қилинди. Муҳокамада барча сиёсий партиялар фракциялари ва Ўзбекистон Экологик ҳаракатидан сайланган депутатлар гуруҳи вакиллари сўзга чиқдилар. Тадбиркорлар ва ишбилармонлар ҳаракати — Ўзбекистон Либерал-демократик партиясида сайланган депутатлар ўз электорати манфаатларидан келиб чиққан ҳолда шуни таъкидладиларки, хусусан, давлат хизматчилари томонидан турли соҳаларда қонун ҳужжатларига риоя этилишини, шу жумладан, кичик бизнес ва хусусий тадбиркорликнинг муҳим шакли сифатида оилавий тадбиркорликни ривожлантириш жараёнида фуқароларнинг ҳуқуқлари таъминлашини мониторинг қилиш 2012 йилда Омбудсман фаолиятининг энг муҳим йўналишлари бўлди. Чунончи, ўтган йили Андижон, Наманган, Фарғона, Навоий, Самарқанд, Жиззах, Сирдарё ва Хоразм вилоятларида оилавий тадбиркорлик соҳасидаги қонун ҳужжатларига риоя этилишининг ҳолати ўрганилди, бу тадбир фуқароларнинг кичик бизнес ва хусусий тадбиркорлик соҳасидаги ўз ҳуқуқларини рўйбга чиқариш самарадорлигини янада оширишга қаратилди.

Ўзбекистон Халқ-демократик партияси фракцияси аъзолари 2012 йилда Олий Мажлисининг Инсон ҳуқуқлари бўйича вакили манзилига фуқаролардан 12 мингдан зиёд мурожаат келиб тушганлигига эътиборни қаратдилар. Мурожаатларнинг барчаси амалдаги қонун ҳужжатларига мувофиқ кўриб чиқилди. Бу фуқароларнинг мурожаатларида баён этилган далилларни чуқур таҳлил қилиш жойларда турли органлар ишидаги эҳтимол тутилган камчиликларни аниқлаш ва уларни бартараф этиш юзасидан самарали чора-тадбирлар кўриш имконияти-

ни яратиши билан боғлиқдир. Омбудсманнинг фуқаролар мурожаатларини қабул қилиш ва кўриб чиқишга доир фаолиятида яшашга, эркинлик ва шахсий дахлсизликка, суд ҳимоясига ва одил судловга бўлган конституциявий ҳуқуқларга риоя этилиши ва уларнинг ҳимоя қилинишини таъминлаш масалалари алоҳида ўрин тутди.

«Миллий тикланиш» Демократик партияси фракциясидан сўзга чиққан депутатлар шуни таъкидладиларки, Олий Мажлисининг Инсон ҳуқуқлари бўйича вакили ҳисобот даврида аҳолининг ҳуқуқий маданиятини юксалтириш, инсон ҳуқуқлари маданиятини шакллантириш бўйича ахборот-маърифий ишларга, ҳаётимизнинг турли жабҳаларида, аввало, таълим, фан ва маданият соҳаларида давлат органлари фаолияти устидан жамоатчилик назоратини амалга ошириш механизмларини тушунириш масалаларига катта эътибор қаратди. Чунончи, Олий Мажлисининг Инсон ҳуқуқлари бўйича вакили 2012 йилда ўз фаолияти билан боғлиқ мавзулар бўйича 50 дан ортиқ тадбирда иштирок этди.

Ўзбекистон «Адолат» социал-демократик партияси фракцияси аъзолари Омбудсманнинг амалдаги қонун ҳужжатларини халқаро ҳуқуқ нормаларига мувофиқлаштиришга қаратилган инсон ҳуқуқлари соҳасидаги халқаро ҳамкорликни ривожлантириши масалалари ҳақида сўз юритдилар. Бундай ҳамкорлик икки томонлама асосда ва халқаро ташкилотлар доирасидаги алоқаларни ривожлантириш йўли билан амалга оширилган. Европа, Осиё, МДХ мамлакатлари омбудсманлари билан амалий алоқалар ўрнатилган.

Ўзбекистон Экологик ҳаракатидан сайланган депутатлар гуруҳи аъзоларининг таъкидлашича, Олий Мажлисининг Инсон ҳуқуқлари бўйича вакили жамоатчилик назорати механизмларини ривожлантириш, фуқаролик жамиятини шакллантириш шароитида бундай назоратни амалга ошириш, фуқароларнинг жамият ижтимоий-сиёсий ҳаётида иштирокини фаоллаштириш борасидаги ишларда фаол иштирок этди. Омбудсманнинг минтақавий вакиллари ҳам фуқароларни ва уларнинг мурожаатларини қабул қилиш, маҳаллий давлат ҳокимияти ва бошқаруви органлари, фуқаролик жамияти институтлари билан ўзаро ҳамкорлик қилиш, инсон ҳуқуқларини таъминлаш ва ҳимоя қилиш соҳасидаги давлат сиёсатини кенг тарғиб этиш йўли билан ана шу жараёнга фаол қўмаклашдилар.

Муҳокама давомида билдирилган фикр-мулоҳазаларни ҳисобга олган ҳолда Қонунчилик палатаси Ўзбекистон Республикаси Олий Мажлиси Инсон ҳуқуқлари бўйича вакилининг 2012 йилдаги фаолияти тўғрисидаги ҳисоботни маъқуллади ва тегишли қарор қабул қилди.

Ўзбекистон Республикаси Олий Мажлиси Қонунчилик палатасининг Ахборот хизмати



МАМЛАКАТИМИЗДА

• Андижон машинасозлик институтида миллий маънавиятимиз ривожига Заҳриддин Муҳаммад Бобур ижодининг ўрни ва аҳамияти мавзусида тадбир бўлиб ўтди.

• Сурхондарё вилояти мудофаа ишлари бошқармаси йиғин пунктида бўлиб ўтган йиғитларни ҳарбий хизматга тантанали кузатиш маросимида маҳаллий ҳокимият, давлат ва жамоат ташкилотлари вакиллари, фахрийлар ҳамда чакирилувчиларнинг ота-оналари иштирок этди.

• Тошкент олий ҳарбий техника билим юртида Инсон ҳуқуқлари бўйича Ўзбекистон Республикаси Миллий маркази ҳамкорлигида «Инсон ҳуқуқлари — олий қадрият» мавзусида илмий-амалий анжуман ўтказилди. Унда ҳуқуқ-тартибот идоралари, ҳарбий суд ва прокуратура, инсон ҳуқуқлари бўйича миллий институтлар, нодавлат нотижорат ташкилотлари ҳамда ОАВ вакиллари қатнашди.

• Бухорода «Оилавий тадбиркорлик — жамият ривожининг гаровидир» мавзусида анжуман бўлиб ўтди. Савдо-саноат палатасининг вилоят ҳудудий бошқармаси ташаббуси билан ташкил этилган мазкур тадбирда хотин-қизларни иш билан таъминлашда касаначиликнинг ўрни, ушбу фаолият турига доир имтиёз ва имкониятлар ҳақида сўз юритилди.

• Амударё тумани Ўрта қалъа сувулу фуқаролар йиғини ҳудудидаги «Ергулоб» фермер хўжалигида сутни қайта ишлаш йўлга қўйилди. Россиянинг «Колак» фирмасининг замонавий ускуналари ўрнатилган цех бир кеча-кундузда бир тонна сутни қайта ишлаш қувватига эга. Айни кунда беш турдаги сут маҳсулотлари ишлаб чиқарилаётган цехда касб-хунар коллежаларини таъғатган 6 нафар ёш иш билан таъминланди.

• Шаҳрисабздаги «Mastev-Kesh» масъулияти чекланган жамияти томонидан газланган минерал сув ишлаб чиқариш йўлга қўйилди. Бунинг учун корхона тадбиркорлари банкдан 150 миллион сўм миқдорда кредит олишди. Ушбу савий-ҳаракатлар натижасида 10 киши иш ўрнига эга бўлди.

ЖАҲОНДА

• Астрономлар томонидан «2012 DA14» дея ном берилган, узунлиги 45 метр ва оғирлиги тахминан 130 тонна бўлган астероид эртага Ердан тахминан 32 минг километр масофа наридан учиб ўтади. Ҳисоб-китобларга қараганда, ушбу астероид Ер марказидан 34 100 километр, сайёрамиз сиртидан эса нисбатан камроқ — 27 700 километр масофада учиб ўтаркан. Олимлар ҳеч қандай ваҳимага ҳожат йўқлигини айтишмоқда.

• Буюк Британиядаги Economist Intelligence Unit компанияси томонидан жаҳондаги 131 та шаҳарда олиб борилган изланишлар натижасига кўра, Ер шари бўйича Токио яшаш учун энг қиммат шаҳар дея топилди. Яшаш учун қиммат шаҳарлар ўнталигидан шунингдек, Осло, Мельбурн, Сингапур, Цюрих, Париж, Каракас ва Женева шаҳарлари ўрин олган. Яшаш учун энг арзон шаҳарлар ўнталиги эса Техрон, Жидда, Панама, Коломбо, Бухарест, Жазоир, Катманду, Нью-Дели, Мумбай ва Карачи шаҳарлари кирмоқда.

• Бразилиянинг Рио-де-Жанейро шаҳридаги «Висенте Пиражибе» қамоқхонаси маҳбуслари канализация қувури орқали қочиб муваффақ бўлишди. 27 нафар маҳбус қамоқхонадан қочишни жорий йилнинг 3 февралда амалга оширган бўлиб, жиноятчилар камерадан канализация тизимига уланиб кетадиган тоннел қазининг урдасидан чиқишган. Қочоқларнинг тўрт нафари ўша захоти қўлга олинган бўлиб, қолганлари ҳозирда полиция томонидан қидирилмоқда.

ҚИСҚА САТРАДАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **БУГУН** Учтепа туманидаги «Кўрмақобод» маҳалласида Заҳриддин Муҳаммад Бобур тавал-

лудининг 530 йиллигига бағишланган маданий тадбир уюштирилди.

✓ **БУГУН** Травматология ва ортопедия институтида «Сало-

матлик мезонлари, доволанишнинг замонавий усуллари» мавзусида давра суҳбати бўлиб ўтди.

✓ **КЕЧА** пойтахтимиздаги 25 та олий ўқув юртларида «Ўзбекистон

маданияти ва санъати форуми» жамғармаси, Олий ва ўрта махсус таълим вазирлиги ҳамкорлигида «Келажак овози» ахборот хоналари очилди.

